

ՄՇԱԿՈՒԹԱՅԻՆ ԵՎ ՀԱՍԱՐԱԿԱԿԱՆ ԿՅԱՆՔԸ ՍՓՅՈՒՌՔՈՒՄ

(1978 թ. հունվար — դեկտեմբեր)

ՀՈՒՆՔԱՐԻՈՒ

Բուդապեշտում իմնվել է հայկական թանգարան, որտեղ պահվում են նյութեր հունգարահայերի պատմության վերաբերյալ: Ըստ այդ նյութերի հաշվերը Հունգարիա են եկել XI—XII դդ. սկսած և լավ ընդունելության են արժանացել տեղացիների կողմից:

Թանգարանն ունի Սովետական Հայաստանին նվիրված առանձին բաժին:

«Շարժում», 25 մարտի 1978

ՀՈՒՆԱՍՏԱՆ

Կրետեի հայկական խորհրդի ղեկավար մարտի 7-ին կատարել է ապրիլյան եղեռնին նվիրված հուշարձանի բացումը: Հուշարձանը կառուցվել է եկեղեցու գավիթում:

«Զարթոնք», 9 հունիսի 1978

ԳԱՆԻՈՒ

Կուպենհագենում բացվել է Հայաստանի արժեստի ցուցանահես, ուր ներկայացված են մանկական նկարներ, գորգեր, արծաթե իրեր, ինչպես նաև կիրառական արվեստի բազմաթիվ գործեր:

«Նոր կյանք», 3 փետրվարի 1978

ՇՎԵՅՑԱՐԻՈՒ

Ժնևում և Լոզանում հայերի թիվը 1000-ի է հասնում: Մյուս քաղաքներում ապրում են մոտ 600 հայեր: Ժնևում գործում է հայ կանանց միությունը: Լոզանում է գտնվում Հ. Բ. Ը. Միության կենտրոնական գրասենյակը:

«Պայքար», 17 փետրվարի

Ինչպես հայտնում է «Զարթոնքը», Լոզանի և Փարիզի «Արվեստների գրադարան» մատենաշարով լույս է տեսել էլիգարեթ Բաուերի «Հայաստան» խորագրով 180 էջից բաղկացած լուսամասիրությունը, որի վերաբերյալ Առնոլտ Քոլերը գրախոսություն է տպագրել Ժնևում լույս տեսնող գրական շաբաթաթերթում: Այդ գրախոսությունը թարգմանաբար տպագրվել է «Զարթոնքում»:

Հատորն ունի հայկական ճարտարապետական ու սպասարկական հուշարձանները, հնագիտական առարկաները, Հայաստանի բնությունն ու ժողովրդի կյանքը պատկերող բազմաթիվ լուսանկարներ, որոնց մեծ մասը կատարել է Հայաստան այցելած ճանապարհորդ-լուսանկարիչ շվեյցարացի Ժաքոպ Շմիտհեյնը:

Գիրքն ունի ժամանակագրական, անձնանունների և տեղանունների ցանկեր, ինչպես նաև քարտեզներ:

«Զարթոնք», 9 մարտի, 22 հունիսի 1978

Շվեյցարահայ ճարտարապետ Սարգիս Ճեվահիրձյանը ֆրանսերեն լույս է ընծայել «Վերհիշումներ հայ ճարտարապետությանն Արևմուտքի մեջ» աշխատությունը, որը մինչ այդ հայերեն լույս է տեսել «Բազմավեպում»:

«Զարթոնք», 20 ապրիլի 1978

ՊՈՐՏՈՒԳԱԼԻՈՒ

Լիսաբոնում, Գալուստ Կյուլպենկյան հաստատության կենտրոնի սրահում վերջերս բացվել է սովետահայ 30 նկարիչների նկարների ցուցահանդես, ուր ներկայացված են 100-ից ավելի բնանկարներ, դիմանկարներ և այլն: Ցուցահանդեսին նվիրված հոդվածում տեղի «Տիարու» թերթը ի միջի այլոց, գրել է, որ այդ ցուցահանդեսը կնպաստի երկու երկրների մշակութային կապերի զարգացմանը և պորտուգալացիներին հնարավորություն կտա ավելի մոտիկից ծանոթանալու հայկական արվեստին:

«Նոր կյանք», 17 նոյեմբերի 1978

ԱՐԳԵՆՏԻՆԱ

Օգոստոսի 18-ին Բուենոս-Այրեսում տեղի է ունեցել զեղարվեստական երեկո նվիրված Արամ Խաչատրյանի ծննդյան 75-ամյակին: Երեկոն կազմակերպել է Հ. Բ. Ը. Միության մշակութային հանձնախումբը: Անվանի երաժշտի մասին ելույթ է ունեցել երաժշտական քննադատ Նապոլեոն Գապրերան:

«Շարժում», 26 օգոստոսի 1978

ՖՐԱՆՍԻԱ

Փարիզի «Ֆլամարիոն» հրատարակչությունը լույս է ընծայել Սիրարփի Տեր-Ներսեսյանի «Հայկական արվեստը իր ծագումից մինչև XVII դար» նոր աշխատանքը՝ «Լը Մոնդում» լույս է տեսել հոգված այդ գրքի մասին:

«Ձաբրոնֆ», 19 մարտի 1978

Ֆրանսիական «Նուվել Լիթերեր» թերթը իր փետրվարի 8—16-ի համարում մի էջ է նվիրել հայերին, որտեղ խոսում է Սայաթ-Նովայի բանաստեղծությունների, Սիրարփի Տեր-Ներսեսյանի և մի շարք այլ գրողների ու գիտնականների գործերի մասին:

«Ձաբրոնֆ», 17 մայիսի 1978

Փարիզի Փլեյել համերգասրահում պրոֆ. Ֆրեդերիկ Ֆեյդիի, Վիլյամ Սարոյանի և Կոմիտասի սան, երաժշտագետ Վարդան Սարգսյանի նախագահությամբ տեղի է ունեցել երեկո, որտեղ լսել են Արմենուհի Գևոնյանի հավաքած ժողովրդական երգերը: Տարիներ շարունակ նա շրջել է հայաշատ գաղթօջախները և ժողովել է սիրո, հարսանեկան, գեղջկական, աշխատանքային ու պանդխտության երգեր: Նրա ջանքերով Տարոնի ժողովրդական շատ երգեր փրկվել են կորուստից և ձայնագրվել են: Արմենուհի Գևոնյանը այդ երգերի կատարումով հանդես է եկել ԱՄՆ-ի մի շարք քաղաքներում, ինչպես նաև Ստամբուլում, Բեյրութում, Փարիզում և Երևանում:

«Շաբոնմ», 27 մայիսի 1978

ԱՆԳԼԻԱ

Լոնդոնի «Թայմս» օրաթերթի գրական հավելվածի հունվարի 13-ի համարում պրոֆ. Դեյվիդ Մարշալ Լենգը գրախոսական է տպագրել Գրիգոր Նարեկացու «Մատյան ողբերգության» անգլերեն թարգմանության մասին (թարգմանությունը Միշա Գյուտյանի): «Պայքար» թերթում լույս է տեսել Լենգի այդ գրախոսության հայերեն թարգմանությունը:

«Պայքար», 3 մարտի 1978

Լոնդոնում լացվել է Հայ երաժշտական ինստիտուտ, հայտնի կոմպոզիտոր ու խմբավար Լորիս Ճգնավորյանի նախաձեռնությամբ ու ղեկավարությամբ: Ինստիտուտի պաշտոնական բացումը կատարել է Ամենայն հայոց կաթողիկոս Վազգեն Ա. օտարերկրյա հյուրերի և անգլիական մամուլի ու հեռուստատեսության ներկայացուցիչների մասնակցությամբ:

Ինստիտուտի նպատակն է տարածել համաշխարհային երաժշտության գլոխգործոցները, ուսումնասիրել հայ երաժշտությունը և տարածել հայ ու օտար շրջաններում, կազմակերպել հայկական երաժշտության փառատոներ, համաշխարհային երաժշտասեր հասարակայնությանը ծանոթացնել հայկական միջնադարյան երաժշտությանը:

«Խեկան», 28 հուլիսի 1978

Լոնդոնի Բրիտանական գրադարանը հրատարակության է պատրաստել Վ. Ներսիսյանի «Հայկական հազվագյուտ գրքերի ցանկ» (1512—1850) մատենագիտությունը, որում բերված են Բրիտանական գրադարանում պահվող հայկական գրքերի և XVI—XVII դդ. Արևմուտքում հրատարակված հայերեն գրքերի ցուցակները, ինչպես նաև Բրիտանական գրադարանի հայկական քարտեզների ցանկը:

«Պայքար», 29 հուլիսի

«Լրաբեր», 12 օգոստոսի 1978

Ա Մ Ն

«Նեշընըլ Զեոգրաֆիք» ամսաթերթի 1978 թ. հունիսի համարում լույս է տեսել Ռոբերտ Պոլ Զորդոնի «Հպարտ հայերը» վերնագրով ընդարձակ հոդվածը հայերի մասին, որը գրավում է ամսաթերթի 27 էջերը: Հոդվածում տպագրված են 31 գունավոր լուսանկարներ:

«Նոր օր», «Պայքար», «Արև» թերթերում շարունակաբար հրապարակված է այդ հոդվածի հայերեն թարգմանությունը:

«Նոր օր», 9 հունիսի

«Պայքար», 9 օգոստոսի

«Արև», 6 սեպտեմբերի 1978

Ն. ՎԱՐԴԱՆՅԱՆ